

րել է, իր զինւած ձիաւոր իմբրով զիշերը մտնում է գիւղ
և գիւղացիներից պահանջում 260 թուման կանխիկ փող:
Գիւղացիները մերժում են, որի վրայ Մամ-Թաղին իր նւաճու-
ղական քաղաքականութիւնն է գործադրում. սպանում է գիւ-
ղացիներից Աբրահամ Յարութիւնեանին: Գիւղացիներն աւա-
զակի թողած զարգանդից անմիջապէս տալիս են 260 թու-
մանը և այնուհետև Մամ-Թաղին 50 լիտր էլ գարի սու-
գանք վերցնելով հեռանում է գիւղից:

1918 թւի աշնան Միրզա-Ղուլի խանի կինը՝ Բիբի խա-
նըմը մտնում է գիւղ և առնում 180 թուման. դրանից
հինգ օր յետոյ Հաճի-Հասան-Ղուլի խանը մարդ է ուղար-
կում գիւղը և 162 թուման պահանջում. գիւղացիները մեր-
ժում են վճարել. կտառած Հասան-Ղուլին գիշերը 800
զինւած հեծեալ և հետևակ զինւորներով շրջապատում է
գիւղը. Բոլորանցիք պաշտպանողական զիրք են բռնում,
որով կռիւը սուր կերպարանք է ստանում և շարունակում
մինչև լոյս, բայց վերջը Հասան-Ղուլին առնում է լիշեալ
գումարն և ահագին վնաս տալուց յետոյ հեռանում: Նայն
1918 թւին լոռերը գիւղից բռնութեամբ առնում են մի
ձի, որը սակայն մի ամիս յետոյ սատկում է. լոռերը գալիս
են գիւղ և սատկած ձիու համար 200 թուման փող առ-
նում գիւղացիներից: Իրանից մի քանի օր յետոյ Զաֆար-
Ղուլու և Մահմադ խանի մարզիկը մտնում են գիւղ և առ-
նում 26 թուման փող և այսպէս անվերջ... Մի խօսքով
տնտեսական կատարեալ ստրկացում, և երկրագործ ժողո-
վրդի համար դա մի սոսկալի թշւառութիւն է: Նա հետըզ-
հետէ ընկնում է անօգնական և յուսահատական վիճակի
մէջ: Եւ արդէն բազմաթիւ ընտանիքներ զժբախտացած են
այդ հարստահարութիւններից:

— Աղաշանքս լսիր, եղբայր ջան,— գարձաւ ինձ գիւղի
քէզխուգա Մ.— ն, մեր օրը սև է անցկենում էք գողերի
ձեռնից: Մեր տուրքը վճարելուց յետոյ, մենք կարանք լա-
սպրել, ըմմա այդ անասուածները գալիս են գիւղ ազատ, հա-